



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

LXXVIII. Maronitarum Patriarchalis Ecclesia Antiochena Auctoritate
Apostolica, & jure devolutionis providetur in personam Simonis Evodii
Archiepiscopi Damasceni. 16. Martii.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

& ex certa scientia, ac matura deliberatione nostris, deque Apostolica potestatis plenitudine, utramque tam Elia Archiepiscopi Arcen. à sex Antistitibus, quam Tobia Archiepiscopi Napolosia à paucis factam electionem, sive postulationem, nullam, irritam, & inanem, ac nullius roboris, & momenti esse, & fore, nullique eorum suffragari debere declaramus, annullamus, irritamus, & cassamus, atque utramque de utroque electionem, sive postulationem habitam, & factam, perinde haberi debere in omnibus, & per omnia, ac si minime, & numquam habita, & facta fuisset, pariter decernimus, præcipimus, & declaramus; ipsamque Ecclesiam Patriarchalem adhuc eo, quo ante electionem, sive postulationem prædictam, per obitum dicti Josephi Petri, vacabat, modo vacare; nullumque jus, & auctoritatem per electionem, sive postulationem antedictam utriusque præsenso Electo, sive postulato acquisitum, sive acquisitam esse, & fore, ac irritum, & inanem, nulliusque roboris, ac momenti quemcumque actum per ipsos præsenso Electos, & Postulatos, sive factum, aut faciendum, quemadmodum etiam alterum eorum in iis omnibus, & singulis ad Patriarchalem potestatem, & auctoritatem spectantibus sese ingerere, & introumittere audentem, ipso facto pœnis omnibus contra non parentes mandatis Apostolicis per Sacros Canones inflictis, & indignationi nostræ obnoxium esse, ac fore, eaque incurrere, & incursum esse, motu, scientia, deliberatione, & potestatis plenitudine paribus decernimus, statuimus, & declaramus; ipsiusque Patriarchalis Ecclesiæ Antiochenæ Maronitarum ita, ut præmittitur, vacantis, collationem, provisionemque quodcumque faciendam, Nobis, & Apostolica Sedi prædictæ reservamus.

Prohibet, sub pœnis &c., ne electi in Patriarchatus gubernio se ingerant.

Provisionem Ecclesiæ Patriarchalis sibi, & Sedi Apostolicæ reservat. Clausula.

§. 3. Decernentes eandem præsentem Literas, & in eis contenta quæcumque, etiam ex eo, quod quicumque in præmissis jus, vel interesse habentes, seu habere quomodolibet prætendentes, illis non consenserint, nec ad ea vocari, citari, & audiri, neque causæ, propter quas præsentem emanarunt, sufficienter adductæ, verificatæ, & justificatæ fuerint, aut ex alia quacumque quantumvis iusta, legitima, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, ullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensu, aliove quolibet etiam quantumvis magno, & substantiali, ac incogitato, & incogitabili individuumque expressionem requirente defectu notari, impugnari, infringi, retractari, in jus, vel controversiam revocari, aut ad terminos juris reduci, seu adversus illas apertionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato, quempiam in iudicio, vel extra illud uti, seu se iuvare ullo modo posse; sed ipsas præsentem Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respectivè inviolabiliter observari: sicque, & non aliter, in præmissis, per quoscumque Judices ordinarios, & delegatos, etiam Causarum Palatii Apostolici Auditores, aliove quoslibet quacumque præminentia, & potestate fungentes, & functiones, sublata eis, & eorum cuilibet aliter iudicandi, & definiendi facultate, & auctoritate, iudicari, & definiti debere, ac irritum, & inane quidquid secus super his à quocumque quavis auctoritate scienter, vel ignoranter contigerit attentari.

§. 4. Non obstantibus Nostra, & Cancellaria Apostolica Regula de jure quæsitio non tollendo, ac Apostolicis, & in Universalibus, Provincialibusque, & Synodalibus Conciliis editis, generalibus, vel specialibus Constitutionibus, & Ordinationibus, necnon dictæ Patriarchalis Ecclesiæ etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis aliàs in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut eorumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ adhiberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem, sub Annulo Piscatoris, die 13. Martii MDCCXLIII. Pontificatus Nostri Anno Tertio.

D. Cardinalis Passioneus.

Maronitarum Patriarchalis Ecclesiæ Antiochena, auctoritate Apostolica, & jure devolutionis, providetur in personam Simonis Evodii Archiepiscopi Damasceni.

Transumptorum auctoritas.

Dat. die 13. Mart. 1743.

LXXVIII.

Venerabili Fratri, Simoni Archiepiscopo Damasceno.

BENEDICTUS PAPA XIV.

Venerabilis Frater, salutem, & Apostolicam Benedictionem.

NUPER ad Nos, & Apostolicam hanc Sanctam Sedem delatis scissuris, dissidiisque, propter electionem Patriarchæ Patriarchalis Ecclesiæ Antiochena Inclitæ Nationis Maronitarum, per obitum Josephi Petri, dum vixit, ejusdem Ecclesiæ Patriarchæ, qui extra Romanam Curiam debitum naturæ persolverat, exortis, ad opportunum & salutare iisdem componendis, sedandisque remedium afferendum, dedimus alias nostras in pari forma Brevis Literas, tenoris sequentis: BENEDICTUS PAPA XIV. Ad futuram &c. Quod non humana &c. ut supra num. LXXXVII.

Pontifex refert castigationem duplîcis electionis Patriarchæ, cum interione Brevis.

§. 1. Eapropter Nos agrè ferentes Patriarchalem Ecclesiam prædictam Pastoris destitutam solatio, & tot, tamisque inter Hæreticos, Schismaticos, Mahumetanos, & Infideles; veluti Rosam inter Spinis, circumdatam angustiis & calamitatibus, amplius vacare, ad provisionem ejusdem Patriarchalis Ecclesiæ Antiochena celebrem & felicem, ne Ecclesia ipsa Antiochena majoribus longæ vacationis exponatur incommodis, & dissidiis, paternis & sollicitis studiis intendentes, ac perspectam habentes notitiam de eximis virtutibus Fratemitatis tuæ in tua ad Archiepiscopatum Damascenum promotione plurimi habitis, necnon quod Tu Venerabilium Fratrum Nationis Maroniticæ Antistitum Decanus sis, & apud Nos plurimorum fide dignorum testimonio commenderis, postquam de præficiendo eidem Ecclesiæ Antiochena prædictæ Nationis personam utilem, ac etiam fructuosam, cum iisdem Cardinalibus dictæ Congregationis particularis deliberationem habuimus diligentem, Te a quibusvis excommunicationis, sus-

Ecclesiæ vacanti præficit Archiepiscopum Damasc.

Ab Ecclesia
Damasce-
næ vinculo ab-
solutum.

Cum præce-
pto de ca-
pienda pos-
sessione.

Eundem hor-
tatur ad Pa-
toralis mu-
neris impie-
mentum.

Præcipit
Episcopis, Suf-
frag. Clero,
Populo, &
Vassallis, ut
novum Pa-
triarcham
agnoscant,
eique obse-
quantur.

penſionis, & interditi, aliisque Ecclesiasticis ſententiis, cenſuris, & poenis, ſi quibus quomodolibet innodatus exiſtis, ad hoc dumtaxat, ut translatio & præſectio per Nos, ut infra, facienda, necnon præſentes ſuum fortiantur effectum, harum ſerie abſolventes, & abſolutum fore cenſentes, ac a vinculo, quo dictæ Eccleſiæ Damasce- næ, cui præes, teneris, de ſimul conſilio & Apoſtolice poteſtatis plenitudine abſolventes, ad eandem Eccleſiam Antiochenam Nationis præſatæ, de conſilio, & poteſtatis plenitudine paribus, transferimus, Teque illi in Patriarcham ejuſdem Nationis præſicimus, & Paſtorem; curam, regimen, & adminiſtrationem dictæ Eccleſiæ Antiochenæ Nationis prædictæ Tibi in ſpiritualibus, & temporalibus plenarie committendo; atque etiam non ſolum liberam Tibi ad Patriarchalem Eccleſiam præſatam tranſeundi licentiam tribuimus, ſed etiam in virtute ſanctæ Obedientiæ, & ſub indignationis noſtræ, aliisque arbitrio noſtro imponeadis poenis, præcipimus & mandamus, ut Patriarchalis Eccleſiæ huiusmodi poſſeſſionem, ſtatim ac præſentes noſtræ Literæ ad Te pervenerint, nulla interpoſita mora, adeas, & capias, atque omnia, & ſingula jura, auctoritatem, poteſtatem, præeminentiam, prærogativas, juridiſtionem, privilegia, aliaque huiusmodi ad Patriarcham dictæ Patriarchalis Eccleſiæ pro tempore exiſtentem quomodolibet ſpectantia, & quibus alii Patriarchæ Eccleſiæ præſatæ Prædeceſſores tui de jure, uſu, & conſuetudine, uſi, gaviſi, & fruiti, fuerunt, pari modo exerceas, ac iis utaris, fruaris, & gaudeas: In illo, qui dat gratias, & largitur præmia, confidentes, quod, dirigente Domino acſus tuos, prædictæ Eccleſiæ Antiochena Nationis ejuſdem ſub tuo felici regimine regetur utiliter, & proſperè dirigetur, ac grata in eiſdem ſpiritualibus, & temporalibus ſuſcipiet incrementa.

§. 2. Tu igitur ad eandem Patriarchalem Eccleſiam Antiochenam Nationis præſatæ cum gratia noſtræ benedictionis accedens, curam, & adminiſtrationem prædictas ſic exercere ſtudeas fideliter, ſollicitè, & prudenter, quod Eccleſia ipſa Antiochena dictæ Nationis, Gubernatori provido, & fructuoſo adminiſtratori gaudeat ſe commiſſam, Tuque præter æternæ retributionis præmium, noſtram, & dictæ Sedis benedictionem, ac gratiam exinde uberius conſequi merearis.

§. 3. Quocirca eiſdem Venerabilibus Fratribus Archiepiſcopis, & Episcopis Suffraganeis, ac dilectis pariter filiis Capitulo, & Vaſſallis Eccleſiæ Antiochenæ Nationis præſatæ, ac Clero ſeculari, & Regulari, etiam Societatis Jeſu, & Populo Civitatis, ac Diocceſis Antiochenæ ejuſdem Nationis, per Apoſtolica ſcripta mandamus, ut Suffraganei Tibi tamquam membra capiti obſequentes, & Capitulum Tibi tamquam Patri, & Paſtori animarum ſuarum humiliter intendentes, exhibeant Tibi obedientiam, & reverentiam debitas, & devotas; ita quod mutua inter Te, & ipſos Suffraganeos gratia gratos fortiatur effectus, & Nos eorum devotionem poſſimus propterea in Domino meritò commendare; ac Clerus Te, pro noſtra & ejuſdem Sedis reverentia, benignè recipientes, & honorificè pertractantes, tua ſalubria monita, & mandata ſuſcipiant humiliter, & efficaciter adimplere procurent; Populus verò Te tamquam Patrem, & Paſtorem animarum ſuarum devotè ſuſcipientes, & debita honorificentia proſequentes, tuis monitis, & mandatis ſalubribus humiliter intendant; ita quod Tu in eis devotionis Filios, & ipſi in Te per conſequens Patrem benevolum inveniſſe gaudeatis: Vaſſalli autem prædicti Te debito honore ſequentes, Tibi fidelitatem ſolitam, ac conſuetam ſervitia, & jura Tibi ab

eis debita integrè exhibere procurent; alioquin ſententiam, ſive poenam, quam ritè tuleris ſive ſtatuereſ in rebelles, ratam habebimus, & faciemus auctore Domino uſque ad ſatiſfactionem condignam inſolubiliter obſervari.

§. 4. Volumus autem, quod Tu, antequam regimini, & adminiſtrationi dictæ Patriarchalis Eccleſiæ Antiochenæ Nationis præſatæ Te in aliquo immiſceas, in manibus alicujus Catholici Antiftitis gratiam, & communionem Sedis Apoſtolice habentis, & in illis partibus degentis, Fidei Catholice profeſſionem a Sede prædicta Orientalibus præſcriptam, juxta unam, & præſeſſè emittere; & fidelitatis debite ſolitum juramentum, juxta alteram, formas præſentibus adnotatas, præſtare omnino tenearis, ac Profeſſionis Fidei, quam emiſeris, & juramenti huiusmodi, quod præſtaveris, formas eidem Congregationi de Propaganda Fide de verbo ad verbum per tuas patentes literas tuo ſigillo munitas, per proprium Nuntium quocitocius deſtinare procureſ.

§. 5. Forma autem Profeſſionis Fidei, quam emittes, hæc eſt: Ego Simon Electus Patriarchalis Eccleſiæ Antiochenæ Nationis Maronitarum firma fide credo, & profiteor omnia & ſingula, quæ continentur in Symbolo Fidei, quo Sancta Romana Eccleſia utitur, videlicet: Credo in unum Deum Patrem Omnipotentem, Factorem Cali, & Terræ, viſibilem omnium, & inviſibilem; & in unum Dominum Jeſum Chriſtum Filium Dei Unigenitum, & ex Patre natum ante omnia ſæcula, Deum de Deo, lumen de lumine, Deum verum de Deo vero, genitum non factum, conſubſtantialem Patri, per quem omnia facta ſunt, qui propter Nos homines, & propter noſtram ſalutem deſcendit de Caliſ, & incarnatus eſt de Spiritu Sancto ex Maria Virgine, & homo factus eſt, crucifixus etiam pro nobis ſub Pontio Pilato, paſſus, & ſepultus eſt, & reſurrexit tertia die ſecundum ſcripturas, & aſcendit in Cælum, ſedit ad dexteram Patris, & iterum venturus eſt cum gloria judicare vivos & mortuos, cujus Regni non erit finis: Et in Spiritum Sanctum Dominum, & vivificantem, qui ex Patre, Filioque procedit, qui cum Patre, & Filio ſimul adoratur, & conglorificatur, qui locutus eſt per Prophetas: & unam Sanctam Catholicam, & Apoſtolicam Eccleſiam; conſiteor unum Baptiſma in remiſſionem peccatorum; & expecto reſurrectionem mortuorum; & vitam venturi ſæculi. Amen: Veneror etiam, & ſuſcipio univerſales Synodos, prout ſequitur, videlicet: Nicænam primam, & profiteor, quod in ea contra Arium damnate memoria deſinitum eſt, Dominum Jeſum Chriſtum eſſe Filium Dei ex Patre natum unigenitum, ideſt ex ſubſtantia Patris natum non factum, conſubſtantialem Patri, atque impias illius voces rectè in eadem Synodo damnatas eſſe, quod aliquando non fuerit, aut quod factus ſit ex iis, quæ non ſunt, aut ex alia ſubſtantia, vel eſſentia, aut quod ſit mutabilis, vel convertibilis Filius Dei; Conſtantinopolitanam primam, ſecundam in ordine, & profiteor, quod in ea contra Macedonium damnate memoria deſinitum eſt, Spiritum Sanctum non eſſe ſervum, ſed Dominum, non Creaturam, ſed Deum, ac unam habentem cum Patre, & Filio Deitatem; Ephesine primam, tertiam in ordine, & profiteor, quod in ea contra Neſtorium damnate memoria deſinitum eſt, Divinitatem, & Humanitatem, inſeſſibili & incomprehenſibili unione, in una perſona Filii Dei unum nobis Jeſum Chriſtum conſtituiſſe, eaque de cauſa Beatiffimam Virginem verè eſſe Dei Genitricem; Calcedonenſem, quartam in ordine, & profiteor, quod in ea contra Eutychem, & Dioſcorum, ambos damnate memoria deſinitum eſt, unum eundemque Filium Dei Dominum Noſtrum Jeſum Chriſtum perfectum eſſe in Deitate, & perfectum in Humanitate, Deum verum, & hominem verum ex anima rationali, & corpore, conſubſtantialem Patri

Mandat E-
cto, ut Fi-
dei Profeſ-
ſionem emi-
tat, & jura-
mentum fide-
litas præ-
ſtet.

Forma Pro-
feſſionis Fi-
dei.

secundum Deitatem, eundem consubstantialium Nobis secundum Humanitatem, per omnia Nobis similem absque peccato, ante secula quidem de Patre genitum secundum Deitatem; in novissimis autem diebus eundem propter Nos, & propter nostram salutem ex Maria Virgine Dei Genitrice secundum Humanitatem, unum, eundemque Christum Filium Dominum Unigenitum in duabus naturis inconfuse, immutabiliter, indivise, inseparabiliter agnoscendum, nusquam sublata differentia naturarum propter unionem, magisque salva proprietate utriusque nature, in unam personam, atque substantiam concurrentem, non in duas personas partitum, aut divisum, sed unum, eundemque Filium, & Unigenitum Deum Verbum Dominum Jesum Christum: Item ejusdem Domini Nostri Jesu Christi Divinitatem; secundum quam consubstantialis est Patri, & Spiritui Sancto, impassibilem esse, & immortalem; eundem autem crucifixum, & mortuum tantummodo secundum carnem, ut pariter definitum est in dicta Synodo, & in Epistola S. Leonis Romani Pontificis, cujus ore B. Petrum Apostolum locutum esse Patres in eadem Synodo acclamaverunt, per quam definitionem damnatur impia heresis illorum, qui Trifragio ab Angelis tradito, & in prefata Calcedonensi Synodo decantato, Sanctus Deus, Sanctus Fortis, Sanctus Immortalis miserere Nobis, addebant, qui crucifixus es pro Nobis, atque adeo divinam naturam trium Personarum passibilem asseriebant, & mortalem; Constantinopolitanam secundam, quintam in ordine, in qua prefata Calcedonensis Synodi definitio renovata est; Constantinopolitanam tertiam, sextam in ordine, & profiteor, quod in ea contra Monothelitas definitum est, in uno, eodemque Domino Nostro Jesu Christo duas esse naturales voluntates, & duas naturales operationes indivise, inconvertibiliter, inseparabiliter, inconfuse, & humanam ejus voluntatem non contrariam, sed subjectam Divine ejus, atque omnipotenti voluntati; Nicenam secundam, septimam in ordine, & profiteor, quod in ea contra Iconoclastas definitum est, Imagines Christi, ac Deiparæ Virginis, necnon aliorum Sanctorum habendas, & retinendas esse, atque eis debitum honorem, & venerationem impertiendam; Constantinopolitanam quartam, octavam in ordine, & profiteor in ea Photium merito fuisse damnatum, & Sanctum Ignatium Patriarcham restitutum; Veneror etiam, & suscipio omnes alias universales Synodos auctoritate Romani Pontificis legitime celebratas, & confirmatas, & presertim Florentinam Synodum, & profiteor, qua in ea definita sunt, videlicet, quod Spiritus Sanctus ex Patre & Filio aternaliter est, & essentiam suam, sumque esse subsistens habet ex Patre simul & Filio, & ex utroque aternaliter, tanquam ab uno principio, & unica spiratione procedit; item dictionem illam Filioque, veritatis declarande gratia, & imminente necessitate, licite, ac rationabiliter Symbolo fuisse appositam. Item in Azymo, sive fermentato pane tritico Corpus Christi veraciter confici, Sacerdotesque in altero ipsum Domini Corpus consecrare debere, unumquemque scilicet juxta sua Ecclesie, sive Occidentalis, sive Orientalis, consuetudinem. Item si vere penitentes in Dei caritate decesserint, antequam dignis penitentia fructibus de commissis satisfecerint, & omisiss, eorum animas penis Purgatorii post mortem purgari, & ut a penis hujusmodi releventur, prodesse eis Fidelium vivorum suffragia; Missarum scilicet Sacrificia, Orationes, & Eleemosynas, ac alia pietatis officia, qua a Fidelibus pro aliis Fidelibus fieri consueverunt secundum Ecclesie institutum; illorumque animas, qui post Baptisma susceptum nullam omnino peccati maculam incurrerunt, illas etiam, qua post contractam peccati maculam, vel in suis corporibus, vel eisdem exuta, sunt purgata, in Cælum mox recipi, & inveni clarè ipsum Deum Trinum & Unum, sicuti est, pro meritorum tamen diversitate

alium alio perfectius; illorum autem animas, qui in actuali mortali peccato, vel sola originali decedunt, mox in Infernum descendere, penis tamen disparibus puniendas. Item Sanctam Apostolicam Sedem, & Romanum Pontificem in universum Orbem tenere primatum, & ipsam Pontificem Romanum Successorem esse Beati Petri Principis Apostolorum, & verum Christi Vicarium, totiusque Ecclesie Caput, ac omnium Christianorum Patrem, ac Doctorem existere, & ipsi in Beato Petro pascendi, regendi, & gubernandi universalem Ecclesiam a Domino Nostro Jesu Christo plenam potestatem traditam esse, quemadmodum etiam, ut eadem Florentina Synodus asserit, in gestis Oecumenicorum Conciliorum, & in sacris Canonibus continetur. Item legalia veteris Testamenti, seu Moysæ Leges Ceremonias, sacra Sacrificia, & Sacramenta, Domino Jesu Christo adveniente cessasse, & post promulgatum Evangelium sine peccato observari non posse; ejusdem etiam Legis veteris ciborum mundorum, & immundorum differentiam ad ceremonialia pertinere, qua surgente Evangelio transferunt: Illam etiam Apostolorum prohibitionem ab immolatis simulacrorum, & sanguine, & suffocato, illi tempore congruisse, ut inter Judæos, & Gentiles diffensionis materia tolleretur, cujus Apostolice prohibitionis causa cessante, etiam cessavit effectus. Pariter veneror, & suscipio Tridentinam Synodum, & profiteor, qua in ea definita, & declarata sunt, & presertim offerri Deo in Missa verum, proprium, & propitiatorium Sacrificium, pro vivis, & defunctis, atque in Sanctissimo Eucharistia Sacramento, juxta fidem, qua semper in Ecclesia Dei fuit, contineri verè, realiter, & substantialiter Corpus, & Sanguinem, unà cum Anima, & Divinitate Domini Nostri Jesu Christi, ac proinde totum Christum, fierique conversionem totius substantie panis in Corpus, & totius substantie vini in Sanguinem, quam conversionem Catholica Ecclesia aptissime Transubstantiationem appellat, & sub unaquaque specie, & singulis cujusque speciei partibus, separatione facta, totum Christum contineri. Item septem esse nove Legis Sacramenta a Christo Domino Nostro instituta ad salutem humani generis, quorum non omnia singulis necessaria, videlicet Baptismum, Confirmationem, Eucharistiam, Penitentiam, Extremam Unctionem, Ordinem, & Matrimonium, illaque gratiam conferre, & ex his Baptismum, Confirmationem, & Ordinem iterari non posse. Item Baptismum esse necessarium ad salutem, ac proinde, si mortis periculum immineret, mox sine ulla dilatione conferendum esse, & a quocumque, & quocumque sub debita materia, & forma, & intentione collatum, esse validum. Item Sacramenti Matrimonii vinculum indissolubile esse, & quomvis propter adulterium, heresim, aut alias causas possit inter Conjuges Thori, & Cobitationis separatio fieri, non tamen illis aliud Matrimonium contrahere fas esse. Item Apostolicas, & Ecclesiasticas traditiones suscipiendas esse, & venerandas. Indulgentiarum etiam potestatem a Christo Ecclesie relictam fuisse, illarumque usum Christiano Populo maxime salutarem esse. Pariter qua de peccato originali, de justificatione, de sacrorum Librorum, tam veteris, quam novi Testamenti indice, & interpretatione in prefata Tridentina Synodo definita sunt, suscipio, & profiteor. Cetera item omnia suscipio, & profiteor, qua recipit, & proficitur Sancta Romana Ecclesia, simulque contraria omnia, & Schismata, & Hereses ab eadem Ecclesia damnatas, rejectas, & anathematizatas, ego pariter damno, rejicio, & anathematizo. Insuper Romano Pontifici Beati Petri Principis Apostolorum Successori, ac Jesu Christi Vicario veram obedientiam spondeo, ac juro. Hanc fidem Catholice Ecclesie, extra quam nemo salvus esse potest, quam in presenti spontè profiteor, & veraciter teneo, eandem integram, & inviolatam usque ad extremum vite spiritum,

Forma Juramenti fidelitatis.

constantissimè, Deo adjuvante, retinere, ac confiteri, atque a meis Subditis, vel illis, quorum cura ad me in meo munere spectabit, teneri, doceri, & prædicari, quantum in me erit, curaturum, ego idem Simon Electus, qui supra, spondeo, voveo, & juro, sic me Deus adjuvet, & hæc Sancta Dei Evangelia.

§. 6. Forma verò juramenti, quod prætabis, hæc est: Ego Simon Electus Patriarchalis Ecclesie Antiochena Nationis Maronitarum ab hac hora in antea fidelis & obediens ero Beato Petro, Sanctæque Apostolicæ Romanæ Ecclesie, ac Domino Nostro Domino Benedicto PP. XIV., suisque Successoribus canonicè intransibus; non ero in consilio, aut consensu, vel factò, ut vitam perdant, aut membrum, seu capiantur mala captione, aut in eos violenter manus quomodolibet ingerantur, seu injuria aliqua inferantur, quovis quæsito colore: consilium verò, quod mihi credituri sunt per se, aut Nuntios, seu Literas, ad eorum damnum, me sciente, nemini pandam: Papatum Romanum, & Regalia Sancti Petri, adjutor eis ero ad defendendum, & retinendum contra omnem hominem: Legatum Apostolicæ Sedis in eundo, & redeundo honorificè tractabo, & in suis necessitatibus adjuvabo: jura, honores, privilegia, & auctoritatem Romanæ Ecclesie, Domini Nostri Pape, & Successarum præfatorum conservare, defendere, augere, & promovere curabo; nec ero in consilio, factò, vel tractatu, in quibus contra ipsum Dominum Nostrium, vel eandem Romanam Ecclesiam aliqua sinistra, vel præjudicialia persone, honoris, juris, status, & potestatis eorum machinentur, & si talia a quibuscumque procurari novero, vel tractari, impediam hoc pro posse, & quanto citius potero commodè significabo eidem Domino Nostro, vel alteri, per quem ad ipsius notitiam poterit pervenire: Regulas Sanctorum Patrum, Decreta, Ordinationes, sententias, dispositiones, reservationes, provisiones, & mandata Apostolica totis viribus observabo, & faciam ab aliis observari: Hæreticos, & Schismaticos, ac Rebelles Domino Nostro, & Successoribus præfatis pro posse persequar, & impugnabo; vocatus ad Synodum veniam, nisi præpeditus fuero canonica præpeditio: Apostolorum limina singulis decennis personaliter, ac per me ipsum visitabo, & Domino Nostro, & Successoribus præfatis rationem reddam de toto meo Pastoralis Officio, deque rebus omnibus ad Ecclesie meæ statum, ad Cleri, & Populi disciplinam, animarum denique, que meæ fidei credita sunt, salutem quoquomodo pertinentibus, & vicissim Mandata Apostolica præfata humiliter recipiam, & quam diligentissimè exequar: Quod si legitimo impedimento detentus fuero, præfata omnia adimplebo per certum Nuntium ad hoc speciale mandatum habentem, de gremio Capituli mei, aut alium in dignitate Ecclesiastica constitutum, seu aliàs Personatum habentem, aut his mihi deficientibus, per Diocesanum Sacerdotem, & Clero deficiente, omnino per aliquem alium Presbyterum Sæcularem, vel Regularem spectatè probitatis, & Religionis de supradictis omnibus plenè instructum; de hujusmodi autem impedimento docebo per legitimas probationes ad Sanctæ Romanæ Ecclesie Cardinalem Proponentem in Congregatione Sacri Concilii Tridentini per supradictum Nuntium transmittendas; Possessiones verò ad Mensam meam pertinentes non vendam, neque donabo, neque impignorabo, neque denuo infundabo, vel aliquo modo, alienabo, etiam cum consensu Capituli Ecclesie meæ, inconsulto Romano Pontifice, & Constitutionem super prohibitione Investiturarum Bonorum Jurisdictionalium de Anno Domini millesimo sexcentesimo vigesimoquinto editam servabo, & si ad aliquam alienationem devenero, penas in quadam super hoc edita Constitutione contentas eo ipso incurrere volo: Sic me Deus adjuvet, & hæc Sancta Dei Evangelia.

De Pallio eidem concedendo.

§. 7. Cæterum Pallium, insigne videlicet plenitudinis Pontificalis Officii, de Corpore Beati

Petri Apostoli sumptum, tunc ad Fraternitatem tuam, cum per tuum Nuntium, ea, qua decet, instantia postularum fuerit, destinandum, transmittendumque mandabimus. Non obstantibus iis omnibus, qua in præfatis nostris literis volumus non obtinere, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 16. Martii MDCCXLIII. Pontificatus Nostri Anno Tertio.

D. Cardinalis Passioneus.

Dat. die 16. Mart. 1743.

Ad Maronitarum Nationem Commissarius Apostolicus ablegatur, pro præmissorum, aliorumque Apostolicæ Sedis mandatorum executione, cum facultatibus oportunis.

LXXIX.

Dilecto Filio Jacobo à Luca, Ordinis Fratrum Minorum Sancti Francisci de Observantia nuncupatorum professori, Conventus Sancti Sepulchri, ejusque dependentium, Visitatori, ac Commissario Apostolico.

BENEDICTUS PAPA XIV.

Dilecte Fili, salutem, & Apostolicam Benedictionem.

NUPER ad sedandas, componendasque lites, scissuras, & controversias post bonæ memoriæ Josephi Petri, dum vixit, Antiocheni Nationis Maronitarum Patriarchæ obitum excitatas, ob electionem, seu postulationem duorum Patriarcharum ad Ecclesiam Patriarchalem dictæ Nationis factam, edidimus Apostolicas nostras in simili forma Brevis Literas ad Venerabilem Fratrem Simonem Archiepiscopum Damascenum datas, in quibus alias pariter nostras in pari forma Brevis literas ad futuram memoriam editas inferuimus; Ambarum autem Literarum tenor est, qui sequitur. Venerabili Fratri Simoni &c. Nuper ad Nos &c. ut supra num. LXXVIII. Præfatarum autem Literarum exemplaria seorsim in Chartis Pergamenis scripta, & Annulo Piscatoris munita, cum hisce nostris conjuncta, ad te transmittenda mandamus, ut non solum, quæcumque in iisdem continentur, debite executioni demandari prouiderent, fideliterque cures, verum etiam quæcumque hisce nostris in pari forma Brevis à te peragenda in virtute sanctæ obedienciæ injungimus, omni studio, atque conatu conficere satagas.

De cassatione duplicis electionis Patriarchæ, & electione alterius auctoritate Apostolica; cum interfectione Breuium.

§. 1. Primum igitur omnium, Te, de cujus singulari fide, prudentia, sapientia, dexterritate, ac Religionis zelo plurimum in Domino confidimus, & ex eo præferim, quod diu in istis regionibus, dum per plures annos in Sancta Hierosolymorum Civitate Conventus Ordinis tui Guardiani munus laudabiliter exercebas, commoratus, mores, idiomata, & instituta Nationis Maronitarum apprime noveris, Nostro & Apostolicæ Sedis nomine, ad ea omnia, qua in memoratis nostris præfatis Literis continentur, peragenda, & conficienda, Ablegatum nostrum apud dictam Nationem, & Apostolicum Commissarium, cum omnibus, & singulis facultatibus ad hunc effectum necessariis, & opportunis, tenore, & auctoritate paribus facimus, constituimus, & deputamus.

Pro quorum executione Ablegatus S. Sedis, & Commissarius Apostolicus deputatur.

§. 2. Præterea facultatem Tibi etiam tribuimus, & impertimur, contra quoscumque mandatis tuis Apostolica auctoritate nostra munitis non parentes, contumaces, & rebelles, sive Archiepiscopali, & Episcopali dignitate præditos, sive Clerum sæcularem, & regularem, etiam Societatis Jesu, necnon Sæculares, & Laicos quoscumque, cujusvis gradus, & conditionis, ac

Cum facultate compellendi contumaces.

digni-